



Kgaisano ya lobelo lwa diphologolo

Setswana



Harold Gondwe

Kgaisano ya lobelo lwa diphologolo

E kwadilwe ke Harold Gondwe
Botaki ka Moses Dhladhla




Thanolo ka Motlhabane Modise

Go ne ga tswa taletso go ya go diphologolo tsofthe. Gore di ikwadisetse go tsenela kgaisano ya lobelo. Madi a go tsenela dikgaisano e ne ele diranta di le lesome. Diphologolo di tlaa taboga sekgele sa dikilomitara di le tlhano.



Yo o gaisitseng botlhe o tla ikgapela diranta dile lekgolo. Yo o iponetseng maemo a bobedi o tlaa ikgapela diranta di le masomeamatlhano.

Mme yo o iponetseng maemo a boraro ena, o tlaa gapa diranta dile masomeamararo.



Mmutlanyana o ne a itumeletse kgaisano e, mme a simolola go ikatisa go sale gale. “Boammaruri ke gore ke setse ke ikgapetse maemo a ntlha, ga gona ope yo o ka nkgaisang; lo a itse lotlhe ka ga se.”



“Mmutlanyana, o tletse boikgogomoso.
O itse jang gore o tllile go fenyha gonne
kgaisano ga e ise e simologe?”
Ga botsa Khudu e tenegile.



“Khudu, wena o nagana gore o ka gaisa mang?”

“Tswee-tswée, o seke wa leka go itshwenya ka go nagana gore o ka gaisana le rona.”
Ga bua Mmutlanyana a sotla Khudu.



La fitlha letsatsi la kgaisano ya lobelo.
Diphologolo tsotlhe di ne di apere marukgwe
a makhutshwane a go taboga. Borukgwe
bongwe le bongwe bo ne bo kwadilwe
nomoro kwa morago. Boitumelo bo ne bo
bonagala mo diphologolong tsotlhe, le
Khudu tota o ne a ipaakanyeditse kgaisano.



Lentswe le ne la utlwala go tswa mo segowagowing le re: "Kgaisano e gaufi le go simologa, a mongwe le mongwe a ipaakanye." Morago ga utlwala modumo wa sethunya o re, Bhaa! Se e ne ele sesupo sa go bontsha gore kgaisano e simologile.



Kgaisano e ne e tshwaretswa mo tseleng eo e neng e namelela kwa godimo. Khudu o ne a loga leano la go fenywa kgaisano e. Ka jalo, Khudu o ne a gonyetsa tlhogo le maoto mo legapeng la yona. Mme morago ga moo, Khudu a dikologela kwa pele, go fitlhelela a nna gaufi le mola wa phenyo wa kgaisano.



Khudu a leba kwa morago, mme a bona Mmutlanyana le diphologolo tse dingwe di taboga kgakajana, mme di lebile ntlheng ya mola wa phenyo.

Khudu e ne e legaufi le mola wa phenyo, ka jalo ya phaphatha matsogo a gagwe.



Mmutlanyana jaanong kefa a fitlha mo moleng wa phenyo, a utlwala a re:
“Ga go kgonagale! Khudu o fenya jang kgaisano a sa kgone go taboga?”
“A go diriweng ditlhotlhomiso.”
“Thitokgang ke gore ke mofenyi!”
ga bua Khudu ka boikgantsho e bile a tshega.



DITEBOGO

Mokwadi

Harold Gondwe

Motaki

Moses Dhladhla

Morulaganyi

Mavis Ndlovu

Motlhami

PixelPing Design

Mofetodi

Motlhabane Modise

Motlhotlhomisi

Glanice Masilo



ISBN 978-0-638-00712-1



basic education
Department:
Basic Education
REPUBLIC OF SOUTH AFRICA

